

口罩（二零二零年五月詩課）

五言絕句，限下平三肴或下平四豪韻

楊雯鈴

其一

覆面共相交，難分笑或嘲。浮生多幻變，庶物值千鈔。

其二

獨力抗煙濤，微驅助白袍。何能尋此物，半面護完牢。



劉沁樂

其一

清涼憑此奪，逼暑陷塵勞。棄此安身法，蝸居耐寂熬。

其二

避病災難隔，修羅劫未逃。無根蒙面客，頽筆作屠刀。

黃嘉雯

罩口半顏忉，何人病入膏？時聞哀樂至，五月已難熬。

周碧玉

濾紙輕綃夾，需將口鼻包。祈能防疫癘，不惜重貲拋。

其一

缺罩恐罹禍，沫飛如駭濤。心祈疫潮退，天下遠煎熬。

其二

面戴銅芯罩，街行苦謔嘲。病根無以濾，何不省錢鈔？

鍾世傑

爭購貴口罩

禍至爭如寶，求沽豈怕嘲。疫頻堪繫卵，天價暗盈巢。

岑子祺



消病公方罩，清明口舌包。人從天理淨，無毒也毋哮。

余龍傑

滿街蒙面俠，口鼻盡包抄。徒見眉深鎖，空勞睫不交。

李敬邦

其一

一疫三都敗，昭顏價更高。千金沽薄罩，絕息遏哀號。

李耀章

其二

一鐵壓梁凹，鈎繩兩耳摻。但祈安半面，勒印已僭僭。

其一

禍緣吞吐起，鼻舌強封包。瘴毒彌羅裏，瞋眸不敢哮。

其二

疏放病可入，錮蔽氣難逃。覆面權宜計，惜身聊晦韜。

陳彥峯

其一

顏披七寸布，地閣山根包。病毒難侵入，康寧福壽交。

其二

素絹緘封口，音微少雜嘈。方巾能護體，勝似攘魔綯。

吳振武



馬教授數月前嘗贈口罩與諸同事，余亦得一盒，追賦此

董就雄

紗罩無從覓，吾公義獨高。自留唯一盒，十盒贈同袍。

憶莫教授駕車惠送馬教授所贈口罩至余家居附近，亦追賦一首

疫下人情薄，虞庠多厚交。雲車載方盒，枉駕到城郊。

毒不入籬牢，防萌故技高。蠶眉丹鳳眼，半面已堪豪。

朱少璋

不輕方塊小，抗疫大英豪。可笑前鋒國，反而忽爾曹。

梁巨鴻



### 十八區（二零二零年六月詩課）

七言排律，以區名平聲字為韻，區名無平聲字則押區字韻

余筠淇

### 大埔區

回歸塔下金光灑，蝶戀紅花綠滿途。點點遊人嬉夾岸，雙雙宿鳥共一隅。林村水闊東西貫，廣福聲喧左右呼。皎月飛馳憂盡退，千蟬奏唱慮全無。船灣時看流星雨，碧海長依淡水湖。百嘯黃鸝君且聽，春飄柳絮入吾廬。

## 屯門區二首

楊雯鈴

## 其一

高樓伏起立平原，小屋參差若小園。發展今成新市鎮，消彌不見舊墟村。華都道上衣盈駕，勝利城中貨滿轆。翠葉飄飛餘寂響，紅樓寥落痛殘垣。難尋紫影花蝴蝶，只剩銅雕白海豚。昔日情懷仍似在，他朝耀眼恐難存。

## 其二

滄波杳杳險兵屯，旌旗重重絕馬喧。獨自杯中尋正果，浮沉世上悟真元。青山舊有千年在，上序新臨百歲存。城市連綿傍山脈，風光浩蕩向水源。今人緬想光輝志，古物懷思秀美園。市旺人勤籠舞雀，蘭芳桂馥戲飛鴛。



呂牧昀

## 北區

月出東望即海隅<sup>〔一〕</sup>，南鄰大步媚川都<sup>〔二〕</sup>。彭侯廖鄧<sup>〔三〕</sup>遷餘緒，上粉打沙<sup>〔四〕</sup>興曠蕪。新市經年添舊味，曲街當日亦長衢。風光猶可迷行客，聲色依然滿石湖<sup>〔五〕</sup>。少小頻遊墟內路，天真慣聽巷中烏。流連薄暮同佳友，映帶青山似畫圖。回首方驚時荏苒，賦詩難遣意踟躕。此鄉原是心安處，惆悵而今百事殊。

〔一〕 沙頭角因「日出沙頭，月懸海角」得名。

〔二〕 五代南漢劉鋹於大步海設置媚川都，以采珠為事。大步海即今吐露港。

〔三〕 彭氏居粉嶺圍、侯廖二氏居上水、鄧氏一支居龍躍頭。

〔四〕 分指上水、粉嶺、打鼓嶺、沙頭角四地，北區舊時亦稱「上粉沙打」區。

〔五〕 石湖即上水石湖墟，舊為采石場，於一九三零年代設墟。

## 深井

劉沁樂

屯門未至荃灣遠，九曲車行小路顛。青馬眼前能一眺，白鷗灘上愛孤旋。親臨始覺無深井，強起每疑多噪蟬。偶過小村逢犬吠，欲尋舊跡畏蜂纏。廢園誤入非人境，敗瓦回看正厄年。亭榭已無高士隱，門庭只賸細魚眠。暫忘彭澤保身計，時抱杜陵憂世篇。隔岸漁燈帆影動，斜街月色履聲憐。霓虹晚景人爭攝，此地鵝香口耳傳。

周碧玉

## 九龍城

鹽場伊始九龍城〔一〕，一代窮途古跡呈。四百軍州皆趙姓，三千鐵騎盡元兵。崖門抗敵軍旗靡，少帝流亡砥柱傾。護駕殉身真亮節，銘書斷碣暗悲聲。侯王廟誌忠臣義，宋主臺沾落難情。本冀祠堂稱耀祖，空餘客路愧留名。

〔一〕九龍城在宋時為鹽場。



鍾世傑

## 油尖旺

九龍原是物華優，樂在西南一夕遊。玉市珠璣時滿手，廟街歌舞更凝眸。長廊復見星光匯，維港垂聽月色流。奧海城中言未盡，朗豪坊內笑無休。隨心偶逛油尖旺，玩味人生可解憂。

葉翠珠

## 沙田隅貌雜記

瀝源朗澈農桑盛，新築衛星鄉市連。上序依山迎露港，時儒懷玉究人天。館藏博物知成化，隧貫歧途志擴遷。奔馬沙場充海畔，賽舟水道遶樓邊。投江屈子忠名享，護駕車公勇節沿。值廟詩籤休咎論，逢春善信寶香燃。傑靈五紀興文教，風貌千秋注史編。己亥年艱今未癒，乾坤否泰自周旋。

## 將軍澳

不信郊區何苦悶，相看鬧市若雲泥。酒家方到門俱閉，夕膳應尋日正西。嚮往華燈隱玉斗，留連綺席布虹霓。堆香遠似山邊霧，濕氣高如屋外溪。乍見陰晴一息變，難為扇傘四時攜。縱饒六載歎孤寂，猶勝當年無宿棲。

岑子祺

陳彥峯

## 荃灣

新界西南一角彎，青巒淺水聽潺潺。谷迎元將堅城戶，潭隱曹公護帝綸。海峽兩沿沉賈旅，路錢三百逞凶頑。客家圍老非為客，蠻域開荒始不蠻。坊廠縱橫興漂染，綾紗絡繹過津關。馳鯨巨舦排空去，集蟻連車接地還。匠匠舍房千里廣，巖巖樓棟九霄攀。天橋控引編蛛網，朝市紛繁見豹斑。更有煙花歌舞地，豈無商肆飽酣間。經年迭遞俱徂眇，回首滄桑話等閒。好景兼羅幾亂眼，此身長駐迨凋顏。芙蓉閣下垂楊綠，倚樹抬看大帽山。

一四六



董就雄

## 沙田區

瀝源水質勝甘泉，聚落循流出後先。初有大圍開井邑，繼而九約接炊煙。國家積弱滿清日，租界同歸不列顛。古昔村郊餘舊想，今朝市鎮遞新遷。綺樓越嶺攀孤絕，食肆成林料巨千。火炭石門依碧浪，商場工廈立通塵。站饒鐵路交三線，山傍城波伸兩肩。畫舫迎陽經世變，翠濤夾岸映眸鮮。洋宮更復芝蘭盛，博館堪教藝術傳。洙泗垂風承一脈，中西留跡賞高賢。身登鞍馬峰巒跨，步入烏溪疆址延。文化遂知隨沃土，人工亦足敵天然。地窮可倩馮夷得，水闊豈須精衛填。但建名區能若此，何妨滄海換桑田。

一四七